



# Ազդարարության Trumpet's Sound փող

54-րդ ՏԱՐԻ, ԱԿԱՏՐԱԼԻԱ  
ՆՈՅԵՄԲԵՐ - ԴԵԿԵՄԲԵՐ 2023





# Հայ Ավելարանական Եղբայրների Եկեղեցի ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION  
PUBLISHED BY THE  
ARMENIAN EVANGELICAL BRETHREN CHURCH  
112 SAILORS BAY ROAD, NORTHBridge,  
NSW 2063 Australia

PASTOR HRATSH KIUJIAN  
ARMENIAN EVANGELICAL BRETHREN CHURCH  
PO BOX 1593, CHATSWOOD NSW 2057  
email: pastor@armenianbrethren.org  
URL: www.acmaust.org

«ԱԶԴԱՐԱՐՈՒԹՅԱՆ ՓՈՂ Երկամսյա թերքը Սիդնեյի Հայ Ավետարանական Եղբայրների  
Եկեղեցու հրատարակությունն է։ Պատասխանատու խմբագիր՝ հովիվ Հրաչ Գույշեցյան։

Այս թերքը անվճար բաժանվում է հայրենիքում։ Ցանկացողները կարող են դիմել նշված հասցենով։

## ԲՈՎԱՆԴԱԿՈՒԹՅՈՒՆ

Բարի Հովիվը .....	Հովիվ՝ Հրաչ Գույշեցյան
Տե՛ր, ոչ թե իմ, այլ՝ Քո կամքը .....	Հովիվ՝ Հրաչ Գույշեցյան
Ավելի շատ զվարճանքի կարիք չունենք .....	Վեր. Հովսեփ Հովսեփյան
Տերը մեր Հովիվը .....	Վանիկ Եղբ. Հաղաղյան
Սաղմոս 5.....	Դուռ Սթորմը
Հազարամյա սուրբ քաղաքը,	
Կենաց գետը և փակման պատգամներ (1).....	QMBC պանորամա
Անցյա՞լ, թե՞ ապագա .....	Նելլ Բուրման
Հոր (2) .....	Դուռ Սթորմը
Բարձրյալի ծածկոցի տակ .....	Քաղված
Համագործակցության առաջինությունը .....	Քաղված
Խաղաղություն և թողմում ձեզ.....	Անժելա Հարությունյան

## Բարի Հովհանք

 Իշում եմ մի քանի տարի առաջ հայրենիք կատարած այցս, երբ որոշեցի հովիվ գտնելու ու նրան երկու հարց ուղղել: Երկար ճանապարհ վարեցինք մերենան, բայց չհանդիպեցինք որևէ հովվի: Հայատանում մնալու օրերս գրեթե ավարտին էին հասել, բայց փառք եմ տալիս Տիրոջը, որ վերջին օրերում մի բլրի վրա հովիվ տեսա: Վարորդին խնդրեցի կանգ առնել և այդ բլրոր բարձրացա: Խեղճ հովիվը զարմացած նայում էր, թե ինչո՞ւ է անձանոթը շտապում իր հետ հանդիպելու: Ես մոտեցա նրան և ասացի.

- Աստվածաշնչի մասին երկու հարց ունեմ ձեզ տալու: Նախ՝ Հիսուսն ասաց. «Ես եմ բարի հովիվը»: “Դոք բարի” հովիվ եք: Ի՞նչն է ձեզ բարի հովիվ դարձնում:

Խեղճ մարդը դեմքիս նայեց ու մի պահ մտածեց: Իմ հարցը շատ լուրջ ընդունեց, այնուհետև պատասխանեց.

- Ես բարի հովիվ եմ:

Ես հարցրի.

- Ի՞նչն է ձեզ բարի հովիվ դարձնում:

Նա պատասխանեց.

Տեսեք, այս հովի բոլոր ոչխարներն իմը չեն: Նրանցից մի քանիսը հարևանինս են, բայց ես բոլորի համար հավասարապես հոգ եմ տանում: Ուստի կարծում եմ, որ բարի հովիվ եմ:

Ես ասացի, որ ուրախ եմ այսպիսի բարի հովվի հետ հանդիպելու համար, բայց շարունակեցի՝ ասելով.

- Ես մի հարց էլ ունեմ: Տեր Հիսուսն ասել է. «Բարի հովիվը իր կյանքը ոչխարների համար է տալիս»: Արդյո՞ք Տերն ուզում է ասել, թե բարի հովիվ կոչվելու համար պետք է ձեր կյանքը ոչխարների համար դնեք:

Նա մի պահ լուս մնաց: Լրջորեն մտածեց, ապա բարձրաձայն ծիծաղեց՝ ասելով.

- Ո՞չ, ո՞չ, ես երբեք այս ոչխարների համար կյանքս չեմ տա:

Սիայն Հիսուսն է Բարի Հովհանն: Նա եկավ կորածին փնտրելու ու փրկելու համար: Մեծարին Նրան: Նա Իր կյանքը տվեց, որպեսզի փրկվենք: Հիշե՛ք, որ փրկության այս դուռը լայն բաց է նաև ձեզ համար: Եկե՛ք Հիսուսի մոտ, եկե՛ք հիմա:

Հ. Գ.



## ***Տե՛ր, ոչ թե իմ, այլ՝ Քո կամքը***

◀ Ետադարձ հայացք նետելով՝ տեսնում ենք, թե ինչպե՞ս Տերը առաջնորդեց մեզ: Տեսնում ենք, թե ով է վերահսկողը, ոեկավարողն ու առաջնորդողը: 2024 թվականին ACM-ը դառնում է 26 տարեկան: Մենք մուտք ենք գործում անորոշություն, բայց Տերը շնորհալի է:

Մեր առաքելությունը աղքատներին Ավետարանը հասցնելն է: Մեր մտքով երբեք չեր անցնի, որ մի օր շուրջ 120,000 արցախահայ՝ որպես փախստական, քրիստոսի կարիքը կունենար: Մեզանից շատ ջանք էր պահանջվում, հատկապէս Հայաստանում գտնվող մեր գործընկերներից, ովքեր կարիքավոր մարդկանց հազուս և սնունդ մատակարարեցին, կացարան և խորհրդատվություն տրամադրեցին: Նրանք Ավետարանը հասցրին բազմաթիվ տեղահանված երեխաների: Ընտանիքների մեծ մասը պատերազմում կորցրած հարազատներ ունեին:

Իրավիճակը ծանր է, բայց Տերը վերահսկում է ամեն բան: Նա հպվում է շատ սրտերի, սրբում շատ արցունքներ և Իր Անձը հայտնում շատերին: Ձեր աղոքքները կարևոր են մեզ համար: Մենք կարիք ունենք իմաստության և Սուրբ Հոգու առաջնորդության:

Հ. Գ.

## ԱՎԵԼԻ ՉԱՄ ՊՎԱՐՃԱՆՔԻ ԿԱՐԻՔ ՀՈՒՆԵՆՔ

**Ը**ատերը կարծում են, թե քրիստոնեական կյանքի և Ավետարանի չափանիշները աշխարհի համար ցածրացնելով՝ կկարողանան ավելի արդյունավետորեն ավետարանել աշխարհին, և այդպիսով՝ մարդիկ ավելի հեշտությամբ կընդունեն Քրիստոսին ու կրտսեան քրիստոնյաներ:

Նրանց կարծիքով՝ քրիստոնեությունը որքան ավելի մոտեցնես աշխարհին, այնքան ավելի կմնանան այս հավանականությունը, որ աշխարհը կընդունի Հիսուս Քրիստոսի Ավետարանը: Նրանք համոզված են, որ մեղքի, դատաստանի, դժոխքի և սրբության մասին չխսելու դեպքում մարդիկ կուգենան միանալ եկեղեցուն: Կոպիտ կամ քաղաքական առումով ճիշտ չհնչող բաները նրանց կողմից չեն հիշատակվում կամ դրանց այլ մեկնարանություններ են տրվում:

Այդ քրիստոնյաները չեն գիտակցում, որ մարդիկ հոգնած են այս անաստված աշխարհի փուչ խոստումներից և ստերից: Եթե մարդիկ չուզենային, որ իրենց կենսակերպը փոխվեր, եթե նրանց չհետաքրքրեին Աստծո չափանիշները, դժոխքն ու դրախտը, ապա ինչո՞ւ պետք է ուզենային որևէ եկեղեցու միանալ կամ կրոնի հետևել, որն իրենց ունեցածից ոչնչով չի տարրերկում:

Վերջերս եկեղեցու առաջնորդների և սպասավորների հետ հանդիպման ժամանակ, երբ ես խոսում էի սրբության կարիքի, կարգապահ կյանքի և երիտասարդությանը սրբության մասին սովորեցնելու թեմաներով, ինձ ընդհատեցին և ասացին, որ սխալ եմ մտածում. «Այսօրվա երիտասարդությունն ավելի շատ զվարճանքի և ակտիվ գործողությունների կարիք ունի, քան սրբության մասին ճառերի: Եթե դուք դա չհասկանաք, ապա ձեր եկեղեցին կկորցնի իր երիտասարդներին»:

Ես իհարկե գիտեի, թե ինչ է ասում Աստվածաշունչը, քայլ հաջորդ օրը եկեղեցու երիտասարդներից մի քանիսին հարցրեցի՝ արդյոք նրանք կուգենան ավելի շատ զվարճալի միջոցառումների և ժամանց-ների մասնակցե՞լ, թե՞ շարունակել մեր աստվածաշնչյան, ավետա-

բանչության և սուրբ կյանքի թեմաներով դասերը: Նրանք պատասխանեցին. «Հովի՛վ, եթե մեզ ավելի շատ ժամանցներն ու զվարճանքները հետաքրքրեին, ապա մենք աշխարհում կմնայինք: Այնտեղ շատ ավելի զվարճանք կա, քան եկեղեցում: Բայց մենք չենք ուզում այն, ինչ աշխարհն է մեզ առաջարկում»:

Գործը Առաքելոց գրքում ճշմարիտ հավատացյալների կյանքը այնքան տարրեր էր, որ մարդիկ նրանց քրիստոնյա անվանեցին (Գործը 11:26): Նոր Կտակարանում քրիստոնյաներին «սրբեր»՝ զատվածներ էին անվանում:

Սուրբ կյանքից ավելի բարձր քարոզ չկա: Պատգամաբերի անսուրբ, մեղավոր կյանքը խեղդում է պատգամը:

Գործը 19-րդ գլխում հավատացյալները լրջորեն էին վերաբերվում քրիստոնեությանը: Նրանք խոստվանում էին իրենց սիսալ արարքները, ոչնչացնում այն գրքերը, որոնք իրենց դարակներում այլևս տեղ չունեին, և Տիրոջ համար համոզի վկայություն էին ձեռք բերում:

Չո կյանքում կա<sup>9</sup> արդյոք մի բան, որը պետք է հաղթահարես: Երբ այսօր Աստծո առջև կանգնես, խնդրի՛ր, որ Սուրբ Հոգին քեզ ցույց տա այն առարկան, գաղափարը կամ մարդուն, որը խանճարում է քո հոգևոր աճին: Խնդրի՛ր, որ նա քեզ ցույց տա, թե ինչպես կարող ես Գործը 19-ի հավատացյալների նման քո կյանքից հեռացնել այդ արգելքը:

Վեր.՝ Հովսեփ Հովսեփյան



«Այս բաները ես ձեզ ասացի, որպեսզի չգայթակղվեք: Զեզ իրենց ժողովարաններից դուրս պիտի հանեն, այո, ժամանակը գալիս է,որ ով ձեզ սպանի,  
պիտի կարծի, թե Աստծուն ծառայություն է մատուցանում:

Եվ այս բաները ձեզ պիտի անեն, որովհետև նրանք Հորը չճանաչեցին,  
և ո՛չ էլ Խնձ: Բայց այս բաները ես ձեզ ասացի, որ երբ ժամանակը գա,  
դուք հիշեք, թե ես ձեզ ասացի դրանք: Եվ այս բաները սկզբում  
չասացի ձեզ, որովհետև ես ձեզ հետ էի» (Հովհ. 16:1-4):

## **Տերը մեր Հովիվը**

### **Սաղմոս 23**

**Մ**աղմոս 23-ում Աստված ներկայացված է որպես հովիվ, և Իր ժողովուրդը՝ որպես ոչխարներ: Այս Սաղմոսը գրված է ոչխարի տեսանկյունից:

Դավիթ թագավորը նկարագրում է Աստծուն որպես տիրոջ և հովիվի: Հիսուսն ասել է. «Ես եմ բարի Հովիվը, և Ես Իմ ոչխարներին ճանաչում եմ և ճանաչվում եմ Իմը եղողների կողմից»: Դու ճանաշո՞ւմ ես Հիսուսին որպես քո անձնական Փրկչի: Հիսուսը քեզ ճանաշո՞ւմ է որպես Իր զավակի: Ո՞ւմ ես վստահում, երբ կյանքդ ալեկոծվում է, երբ անորոշությունները շատանում են: Ո՞ւմ ես դիմում: Արդյոք խնդրո՞ւմ ես, որ Նա կյանքդ կառավարի: Միայն այն ժամանակ կարող ես խոր վստահությամբ, գիտակցությամբ և հաստատ հավատքով ասել. «Տերը իմ հովիվն է, ես ոչ մի բանի կարիք չեմ ունենա, որովհետև իման խոտավետ արոտներում կպառկեցնի, հանդարտ ջրերի մոտ կառաջնորդի»:

Ոչխարը խելացի կենդանի չի համարվում, այլ՝ անմիտ, և այս պատճառով երբեմն շատ փոքրիկ բանից վախտենում է, շփորչվում և իր հոտին տագնաապի ներքարկում: Հովիվը բռնում է վախտեցած ոչխարին, մեղմորեն դնում խոտի վրա և կամաց-կամաց հանդարտեցնում նրան: Դավիթը անձամբ հովիվ լինելով՝ իիշում է այս տեսարանը և ասում, որ Տերը նոյն ձևով հանդարտեցնում է իրեն: Մեր առօրյա կյանքում նոյնպես շատ անցուղարձներ խանգարում են մեզ ու արդյունքում կորցնում ենք մեր հանգիստը: Ծիշտ այս պարագաներում, ինչպիսիք են անգրծությունը, իիվանդությունը, ցավը, Տերը բռնում է մեզ ու հանդարտեցնում: Ոչխարը վախտենում է վագող ջրերից: Նմանապես մենք, երբ կյանքի հոսանքի առջև ենք գտնվում, դժկամում ենք: Կարո՞՞ղ ես իիշել այն, ինչ պատահեց վերջերս, երբ կյանքի արագավազ հոսանքի առջև հայտնվեցիր, և Տերը հանդարտեցրեց: Տերը հետաքրքրված է մեր ֆիզիկական և հոգեկան վիճակով, զգացական բարեկեցությամբ, հանդարտությամբ և խաղաղությամբ:

Երբեմն ոչխարները հեռանում են ու մոլորվում արածելու ժամանակ: Հովհիվը, թողնելով մնացած ոչխարները փարախում, գնում է մացառներում, փշերում բռնված ոչխարին ազատելու: Նա իր ուսին է դնում նրան՝ սրտի մոտ, ու տուն վերադարձնում: Այսպիսով ոչխարի վտանգված կյանքը նորոգում է: Մենք նոյնապես հաճախ մոլորվում ենք: Աշխարհի եռուղենի, կանաչ խոտերի հետևից գնալով՝ աստիճանաբար հեռանում ենք հոգևոր միհակից, մոլորվում, մեր արժեքները, հավատամքը հետզետե նվազում է, բայց Տերը, հավատարիմ Հովհիվ լինելով, փնտրում է ու գտնում մեզ, դնում ուսին, նորոգում մեր վտանգված կյանքը ու հոգին: «Իր անվան համար ինձ առաջնորդում է դեպի արդարության շավիդները»: Երբ հովհիները ոչխարներին տանում են բլուրների վրա, լավ գիտեն այդ ճամփաները, գիտեն՝ որն է վտանգավոր, որը՝ ապահով: Որքան ամորանք կըրի հովհիվը, եթե սխալ ճանապարհով առաջնորդի իր ոչխարներին: Ո՞վ կստահի նրան հաջորդ անգամ: Հովհիները լավ են սերտում ճամփաները: Տերն էլ Իր անվան համար արդարության ճամփաներով առաջնորդում է մեզ որքան որ Իր անունը պատվավոր ու անարատ է, այնքան վստահելի և հաստատ են նրա խոստումներն ու ճամփաները: Դու հետևո՞ւմ ես Աստծո ճամփաներին: Հիսուսն ասել է. «Ես եմ ճանապարհը, ճշմարտությունը և կյանքը. ոչ մեկը Հորը չի գա, բացի Ինձանով»: Աստծո մոտ գալու միակ ճամփան Հիսուսն է: Եթե չես եկել, մոլորված ես, բող Տերը կանչի քեզ: Բարի լուրջ այն է, որ Հիսուսը կանչում է:

Երբ հովհիվը ոչխարներին բարձունքներ է հանում, վտանգավոր ճամփաներով անցնելու վախը կա: Երբ Տերը քայլում է մեր առջևից, թեև վախն ու տարակուասանքը մեզ պատեն ու մահվան շուրջի ձորով անցնենք, չարից չենք վախենա: Երբ Տերը մեզ ուղարկում է այնպիսի առաքելությունների, որոնց ընթացքում նեղություններով և դժվարություններով ենք անցնում, մեր հավատքի փորձառությունն ընդլայնվում է, խորանում, ինչի արդյունում կարողանում ենք հասնել հավատքի բարձունքներին: Մենք էլ, որպես ոչխարներ, կարող ենք քաջարար և հուսալի կերպով հետևել մեր առաջնորդ Հովհին: Արդյոք դու նայո՞ւմ ես Հիսուսին առօրյայիդ մեջ: Մեր միակ ջանքը Տիրոջը հաճեցնելը բող լինի: Չհուսահատվենք, որովհետև Տերը մեզ հետ է: Աստծո Խոսքն ասում է, որ արդարի նեղությունները շատ են, բայց

Տերը բոլորից փրկում է, ազատում է նրան: Թող Նրա ցուպն ու գավազնը մեզ մխիթարեն:

Յուազը գործածվում է վայրի գազաններ ջախջախելու համար: Այն ներկայացնում է հովվի գորությունը, իսկ գավազանը՝ հովվի իշխանությունը: Երբ մոլորդում էին, գավազանի կլոր ծայրն անցնում էր ոչխարի վզին, ու նա պարտադրանքով հետ էր բերվում: Բարի Հռվիվն Իր ցուպով և գավազանով ջախջախում է մեր թշնամիներին: Նա Իր գորությամբ, իշխանությամբ, առաջնորդությամբ Իր մոտ է քաշում մեզ և ճիշտ ճանապարհի վրա կանգնեցնում: Աստծո գորության ներքո հավատացյալը կարող է հանգատանալ, վտանգից ապահով և պատսպարված զգալ: Առակացում գրված է. «Չո ամբողջ սրբտով Տիրո՞ջը վստահիր ու մի՛ հենվիր քո հասկացողության վրա: Չո բոլոր ճամփանների մեջ ճանաչիր Նրան, և Նա կուղի քո շավիղները»: Երբ ոչխարն ընկնում է, կարողանում է միայն գոռալ: Նա չի մտածում փախչելու մասին, և հնար չունի ինքնիրեն մաքրելու: Մարդկության պարագան նույնն է. մենք մեր ջանքերով, բարի գործերով չենք կարող արդարանալ Աստծո առջև: Միակ ձեզ բարի Հռվիվն նորիրով մաքրվելն է և Աստծո առաջ սուրբ ներկայանալը:

Խնդամիտ հովվիր միշտ կավե բաժակը մինչև բերան լցնում է ջրբհորից քաշած ջրով, որ ոչխարը կարողանա խմել: Նաև դաշտում ոչխարներին արձակելուց առաջ յուղ է դնում օձի բների մուտքի մոտ, որ օձը չկարողանա դուրս գալ և հոտին հետևել: Նա ոչխարների բերանն էլ ծածկում է յուղով, որ օձը չմոտենա նրանց: Այսպիսով, ապահովության մեջ է պահում ոչխարներին: Տերն էլ մեզ օծում է Իր Սուրբ Հոգով: Թեև վտանգավոր, նոր ու անձանոր պարագաներում գտնվենք, Տերը հոգևոր փորձառության սեղան կպատրաստի, որտեղ մեր հոգևոր փորձառությունը կխորանա Իր առաջնորդության ներքո:

Ո՞րն է քեզ մտահոգող պարագան: Նոր եկեղեցի<sup>o</sup>, քաղաք<sup>o</sup>, շրջապատ<sup>o</sup>, ընտանի<sup>o</sup>: Մի՛ վախեցիր, քաջալերվիր, որովհետև Հիսուսն Իր աշակերտների ու Իր բոլոր հետևորդների համար այսպես աղոթեց. Ես չեմ աղոթում, որ Դու նրանց աշխարհից դուրս վերցնես, այլ որ Դու նրանց չարից պահես»: Տերը մեզ չարից պահում է Իր հրեշ-

տակներով: Մեր երկնավոր Հայրը մեր բաժակը միշտ լի է պահում, առատությամբ է տալիս և ոչ թե խնայողությամբ: Կարո՞՞ղ ես պատկերացնել, թե Աստված ինչե՞ր կարող է տալ քեզ: Աստված քո մտածածից ավելին կարող է անել թե՛ ֆիզիկական, թե՛ նյութական, թե՛ հոգևոր, թե՛ մտային և թե՛ զգացական ոլորտում: Աստված առատորեն հոգում է Իր զավակների կարիքը:

Հոսի հետևից հսկիչ պահապան շներ են քայլում, որ զազանները շիարձակվեն: Ողորմությունը և բարերարությունն էլ հավատացյալների պահապաններն են: Աստված Իր բարությամբ ու ողորմությամբ է վարվում մեզ հետ, ոչ թե դառնությամբ կամ վրեժինդրությամբ, այլ՝ սիրով: Անառակ որդին տուն դարձավ, որովհետև զիտակցեց իր հոր առատ սերը: Հիսուսն ասել է. «Ես ձեզ հետ եմ ամեն օր, մինչև աշխարհի վերջը»:

Դավիթը փափագեց Տիրոց ներկայության մեջ ապրել իր բոլոր օրերում: Ես և դու ճանաչում ենք Տիրոջը, ու Նա ճանաչում է մեզ: Ուստի Տիրոց առջև պիտի լինենք հավիտյան: Եթե այսօր աչքերն փակես և աշխարհից հեռանաս, արդյոք վստա՞հ ես, որ Նրա ներկայության մեջ ես գտնվելու, արդյոք կարո՞ղ ես ասել. «Ո՛վ Տեր, Չո գրի մեջ ա՛ն ինձ»: Ե՞րբ ես վերջին անգամ զգացել Տիրոց բարերարությունը, ողորմությունը՝ այդ հսկիչ, պահպանիչ ուժը քո կողքին: Ե՞րբ վերջին անգամ անդրադարձար այն փաստին, որ Տերը քո կյանքի կարիքներն առատությամբ հոգում է և քո բաժակը շատ լիքն է: Ե՞րբ վերջին անգամ Տերը պառկեցրեց ու հանդարտեցրեց քեզ և հոգաց քո կարիքը: Ե՞րբ Տերը Իր ուսի վրա՝ Իր սրտի մոտ դրեց քեզ ու տուն վերադարձրեց: Փափագ այն է, որ Տերը յուրաքանչյուրիս բաժինը լինի՝ որպես Բարի Հովիվ: Եվ երբ կյանքի անորոշությունների առջև գտնվենք, կարողանանք ասել. «Տերը իմ Բարի Հովիվն է, ես ոչ մի բանի կարուտություն չեմ ունենա»:

Վանիկ եղբ. Հադայյան  
Քաղված՝ «Հատընտիր հոգևոր պատգամներ» գրքից



## Սաղմոս 5

**5** -րդ Սաղմոսը Տիրոջը վստահող անձի խորհրդածությունն է: Նա մտածում է Աստծո որոշ առաքինությունների մասին ու խնդրում Տիրոջ դատաստանը ամբարիչտների համար և Նրա պաշտպանությունը բոլոր նրանց համար, ովքեր վստահում են Նրան:

Դավիթն այս Սաղմոսը շարադրեց երրայական բանաստեղծությանը բնորոշ ձևով: Ակզբանական միտքը կրկնվում է տարրեր բառերով՝ այն հաճախ զարգացնելով: Ուստի Դավիթը խնդրեց Տիրոջը, որ ականջ դմի իր խոսքերին և լսի իր աղաղակը: Նա ուզում էր, որ Տերը հաշվի առներ իր խնդրանքը երկու պատճառով: Առաջին՝ Տերն իր թագավորն ու Աստվածն է: Ինքն աղործում է Տիրոջը: Նա հայտարարում է, որ Աստված լսելու է իր ձայնը առավոտյան. ինքն իր խնդրանքները ներկայացնելու է Նրան նախքան օրը սկսելու: Դավիթի խոսքերն ուղղված էին Տիրոջը, և նա ակնկալությամբ սպասելու էր Նրա պատասխանին:

Սա է այն մարդու կեցվածքը, ով ամբողջությամբ վստահում է Տիրոջը: Սա Աստծո հանդեպ մշտական վստահության վերաբերմունք է: Ամեն առավոտ Դավիթն աղործով բարձրացնում էր իր ձայնն առ Աստված՝ ակնկալելով, որ Նա կուտղորդի իր քայլերը:

Երկրորդ՝ 4-6-րդ համարներում Դավիթը նկարագրում է մեր Աստծո առաքինությունները: Նրա համար հաճելի չեն մարդկանց չար գործերը. Նրանում չարիք չի բնակվում: Իրականության մեջ չարիքը չի կարող ապրել Նրա ներկայության մեջ: Հետևաբար նրանք, որոնք ամբարտավան են ու պարծենում են իրենց մեղքերով, չեն կարողանալու կանգնել Նրա առջև: Խեն Աստված սիրում է բոլոր մարդկանց, Նա զգվում է նրանց արյունահեղություններից և խարդախ ճանապարհներից: Անօրենություն գործողները կարող են միայն ակնկալել Տիրոջ դատաստանը, որով տապալվելու են իրենց բոլոր ծրագրերը:

Դավիթը մտածում է Աստծո ողորմության կամ սիրառաս բարության մասին: Այս բառը երբեմն բարգմանված է որպէս հաստատակամ սեր և վերաբերում է փոխսաղարձ հարաբերությունից բխած վե-

բարեմունքին: Թագավորի պարագայում այն դրսնորվում է իր հպատակներին պաշտպանելու դիրքորոշմամբ: Աստծո պարագայում այն դրսնորվում է Աստվածային սիրո դիրքորոշմամբ, որին մենք անարժան ենք: Դավիթը կարող էր մտնել Աստծո տուն՝ Աստծո սիրո ու բարության առատությամբ լցված՝ ակնածանքով խոնարհվելով Նրա առջև, խնդրելով Նրա առաջնորդությունը:

Աստծո սիրառաստ բարության շնորհիվ Դավիթը կարող էր խնդրել Տիրոջը, որ իրեն իր արդարությամբ առաջնորդի: Նա բազմաթիվ թշնամիներ ուներ, որոնք հարձակելու էին իր վրա. նա պաշտպանության կարիք ուներ:

Դավիթն աղոթեց, որ Աստված իր թշնամիներին հանցավոր հանի և նրանց ծրագրերն իրենց սեփական իմաստության մեջ ձախողվեն: Տիրոջ դեմ նրանց ապստամբության պատճառով նա ուզում էր, որ նրանք Տիրոջ ներկայությունից դուրս նետվեն:

Դավիթը նկարագրեց անօրենություն գործողներին՝ մարդկանց, որոնց սրտերը կործանման ճանապարհի վրա են: Ոչ ոք չի կարող վստահել նրանց խոսքերին. Նրանց խոսքերում հավատարմություն չկա: Նրանք պատրաստ են բոլորին ոչնչացնել, քանի որ նրանց կոկորդները բաց գերեզմաններ են: Իրենց նպատակներին հասնելու համար, շողոքորբում են մարդկանց:

Վերջին երկու համարներում Դավիթը վերադառնում է իր աղոթքին՝ խնդրելով Տիրոջը, որ իրեն վստահողները Տիրոջ ցնծության մեջ բնակվեն: Եթե Աստված պաշտպանի նրանց, նրանք իսկապես ուրախությունից կարող են գոռալ: Քանի որ նրանք սիրում են Տիրոջ անունը, ուրեմն ուրախանալու են Նրանով: Արդարները կարող են միշտարվել, քանի որ Աստված օրինելու է նրանց և շրջապատելու է Իր բարեհաճությամբ:

Դռն Սթորմը



## Հազարամյա սուրբ քաղաքը, Կենաց գետը և փակման պատգամներ (1)

### 1. Ներածություն

Հավիտենականության տեսլիքից հետո Հովհաննես առաքյալին մոտենում է մեկ այլ հրեշտակ և նրան հրավիրում՝ տեսնելու հարսին՝ Գառան կնոջը: Հովհաննեսը, կարծես թե, դարձյալ վերադառնում է Ժամանակի իրողության մեջ ու տեսնում սուրբ քաղաքը՝ Երուսաղեմը: Այնուհետև նա նկարագրում է իր տեսածի հսկայական չափերը և գերազանց շքեղությունը: Բառերը դժվար թե նկարագրեն այն:

Հովհաննեսը տեսավ սուրբ քաղաքը՝ Երուսաղեմը՝ երկրից վեր: Նա նայեց մի բանի, որը տեսանելի կլինի Երկնքում Հազարամյակի Ժամանակ: Այս սուրբ քաղաքը կիշնի երկնքից իր հավիտենական տեսքով, բայց դեռևս պետք է մնա երկնքում այնքան Ժամանակ, մինչև որ իին երկիրը փոխարինվի նորով: Այն կիշնի նոր երկիր, այնուհետև կասվի. «Աստծո խորանը մարդկանց մեջ» (Հայտ. 21:3):

Այնուհետև տրվեցին այս հազարամյա քաղաքի մանրամասները, և կարելի է նշել, որ թեև Եզեկիելի, Եսայու և մյուսների նկարագրած երկրային հազարամյա քաղաքը հոյակապ է, բայց Հովհաննեսի՝ տեսմիլքում տեսածի միայն աղոտ պատկերն է:

Թեև արևը, լուսինն ու աստղերը կմնան իրենց տեղերում հազարամյակի ընթացքում (հնմտ. Ծննդ. 8:22, Երեմ. 31:35, 33:25), սակայն Երկնային քաղաքի լույսը շատ ավելի պայծառ կլինի, քանի որ այս լույսը գալու է հենց Աստծոց: «Աստծո փառքն է լուսավորում նրան, ու նրա ճրագը Գառնուկն է» (Հայտ. 21:23):

Այնուհետև Հովհաննեսը տեսնում է Կենաց ջրի գետը և Կենաց ծառը: Եղեմի պարտեզի Բարու և շարի գիտության ծառի մասին ոչ մի հիշատակում չկա, քանի որ այլս անեծք չի լինելու (Հայտ. 22:3): Այնուամենայնիվ, դեռ կլինի անեծքի վկայությունը հազարամյա երկրի վրա (հնմտ. Հայտ. 22:2, Եսայի 65:20):

Երկնային քաղաքում Աստծո ժողովուրդը «տեսնելու են Նրա երեսը, ու Նրա անունը նրանց ճակատների վրա պիտի լինի... և նրանք պիտի քագավորեն հավիտյանս հավիտենից» (Հայտ. 22:4-5): Ի՞նչ հեռանկար է սպասում բոլոր նրանց, ովքեր ապավինում են Տեր Հիսուսին այսօր:

Եզրափակիչ համարները (Հայտ. 22:6-21) հղում են անում Աստվածաշնչի ուսուցման քաղմաքիվ թեմաների, և այդ թեմաները հերթափոխով տրվում են հրեշտակի, Տեր Հիսուսի և Սուրբ Հոգով նեշնչված Հովհաննեսի կողմից: Երեք անգամ Տեր Հիսուսն ասում է. «Ահա Ես շուտով կզամ» (հմբ 7, 12 և 20) և Իրեն է վերագրում մի քանի աստվածային կոչումներ: Նկարագրվում է հավատացյալների և անհավատների ճակատագիրը, և ծարավին տրվում է վերջին կոչը. «Նա, ով ծարավ է, բոլ գա. և նա, ով ուզում է կենաց ջուրը, բոլ ձրի վերցնի» (հմբ 17):

## 2. Հարսը՝ Գառնուկի կինը (21:9)

Նեղության ժամանակաշրջանի ավարտից հետո մեծ ուրախություն է տիրում Երկնքում Գառան հարսանիքի պատճառով, որին հաջորդում է հարսանեկան ընթրիքը (Հայտ. 19:7-9): Դա տեսնելուց հետո մեկ այլ հրեշտակ հրավիրեց Հովհաննեսին՝ տեսնելու Գառան հարսանացուին: Այս հրեշտակը Հոգով նրան տարավ մի մեծ և բարձր լեռ և ցույց տվեց սուրբ քաղաքը՝ Երուսաղեմը, որն իջնում էր Երկնքից՝ Աստծո կողմից: Այս սուրբ քաղաքը մոլորված աշխարհին ցույց էր տալիս Գառան նորապասակ կնոջ փառքը, երբ նա դուրս էր գալիս Երկնքից:

Փեսայի ընկերներն ընդգրկվելու են սուրբ քաղաքում: Մենք ակնկալում ենք, որ բոլոր երկնային սրբերը կլինեն այնտեղ (այսինքն՝ բոլոր հավատացյալները, ովքեր մահացել են Պենտեկոստեի օրվանից առաջ): Երրայեցիներին ուղղված նամակը սովորեցնում է մեզ, որ Արքահամը «սպասում էր այն քաղաքին, որ իմբեր ունի, որի ճարտարապետն ու արարիչն Աստված է» (Երք. 11:10): Այսպիսով, մենք եզրակացնում ենք, որ երկնային սրբերը լինելու են սուրբ քաղաքում, և սուրբ քաղաքը ցուցադրելու է Գառան կնոջը իր հազարամյա փառքով:

### 3. Սուրբ քաղաք Երուսաղեմը (21:10-14)

Նախկինում Հովհաննեար Հոգով տարվել էր մի անապատ՝ տեսնելու մեծ քաղաքը (Հայտ. 17:3, 18), բայց այժմ նա Հոգով տարվեց մի մեծ և բարձր լեռ և տեսավ սուրբ քաղաքը՝ Երուսաղեմը, որն իշխում էր Երկնքից՝ Աստծո կողմից (Հայտ. 21:10): Ինչպիսի՞ հակադրություն: Հետևյալ աղյուսակը ավելի մանրամասն ցույց կտա այս հակադրությունը:

Մեծ քաղաք	Սուրբ քաղաք
Մեծ պոռնիկ՝ կեղծ եկեղեցին՝ մանուշակագույն և կարմիր հագուստ հազած, հաճելի է աշխարհին:	Գառան կինը՝ ճշմարիտ եկեղեցին՝ նուրբ սպիտակ հագուստ հազած, պայծառ ու մաքոր, հաճելի է Քրիստոսին:
Խորհրդանշվում է Բարելոնը (Չփորություն):	Խորհրդանշում է Երուսաղեմը (խաղաղություն):
Տեսարանը՝ անապատից (ամայություն և մահվան վայր):	Տեսարանը՝ բարձր լեռից (աստվածային հայտնության վայր):
Բոլոր չարերի ու չարիքի բնակավայր:	Բոլոր արդարների և մաքուրների բնակավայր:
Վերջնական վիճակ՝ մահ և խալար:	Հավիտենական վիճակ՝ Աստծո կյանք ու լույս:

Անդրադառնալով եկեղեցուն՝ Պողոս առաքյալը խոսում է մի ժամանակի մասին, երբ Քրիստոսը ներկայացնելու է նրան «... որպես փառավոր եկեղեցի՝ առանց արատի, խորշոնի, կամ այլ թերության» (Եփես. 5:27): Սա տեղի կունենա «Գառան հարսանիքին»: Այնուհետև եկեղեցին կհայտնիվի աշխարհին Հազարամյակի ժամանակ: Այդ օրը եկեղեցին ոչ միայն լույս կարտացողի, այլև կփայլի Աստծո փառքով: Հովհաննեսն այսպես է նկարագրում տեսիլքը. «Նա ուներ Աստծո փառքը, և նրա լուսավորությունը խիստ թանկարժեք քարի նման էր, հասպիս քարի նման, բյուրեղապակու պես քափանցիկ» (Հայտ. 21:11): Հավանական է, որ այստեղ հիշատակված հասպիսը տարբերվում է նրանից, ինչ մենք այսօր անվանում ենք հասպիս, այսինքն՝ շատ գույների և երանգների անմաքոր քազմազանություն

(հիմնականում կարմիր, դեղին և շագանակագույն) անթափանց, բարակ բեկորներով: Սուրբ քաղաքի հասպիսը մաքուր է, ինչպես բյու-  
րեղը:

Այնուհետև Հովհաննեաը նկարագրում է քաղաքի մեծ, բարձր պարիսպը և դրա հիմքերը: 12 դարպաս կար, ու դարպասների վրա 12 հրեշտակ: Դարպասների վրա անուններ էին գրված, այսինքն՝ Իս-  
րայելի 12 ցեղերի անունները: 12 հիմք կար, որտեղ գրված էին Գա-  
ռան 12 առաքյալների անունները: Շատ կարևոր է Տեր Հիսուսի ա-  
սածք. «Ծշմարիտ եմ ասում ձեզ, որ դուք՝ Ինձ հետևողներդ, վերա-  
կանգնան ժամանակ, երբ Մարդու Որդին նստի Իր փառաց արողին,  
դուք էլ պիտի նստեք տասներկու արողների վրա՝ Իսրայելի տաս-  
ներկու ցեղերին դատելու համար» (Մատթ. 19:28):

Ի տարբերություն ցանկացած երկրային քաղաքի, սուրբ քաղաքը  
հավերժ անհասանելի է լինելու բոլոր չար ուժերի համար: Այս փաս-  
տը խորհրդանշում են պարիսպը, դարպասները և ներկա հրեշտակ-  
ները: Հազարամյակում Աստծո ոխերիմ թշնամին կապվելու է և փակ-  
վելու է Անդունդում, իսկ ազատ արձակվելուց հետո նրան նետելու են  
կրակի լիճը:

#### **4. Քաղաքի չափերը (21:15-17)**

Եզեկիելի՝ երկրային հազարամյա տաճարի տեսիլքում (Եզեկ. 40-  
48 գլուխներ) պարիսպն ուներ 3,2 մետր լայնություն և 3,2 մետր  
բարձրություն, իսկ դարպասներից դուրս գտնվող յուրաքանչյուր կող-  
մը 267 մետր էր: Կան նաև այլ չափագրություններ, սակայն կարող  
ենք վստահ ասել, որ այս տաճարը սովորական չափեր ուներ: Այնուամենայնիվ, սուրբ քաղաքը համեմատաբար մեծ է, և ավելին,  
նրա բարձրությունը նույնն է, ինչ երկարությունը կամ լայնությունը:  
Այս չափը տրված է որպես 2400 կիլոմետր, որն ինքնին կարող է  
խորհրդանշական լինել և ոչ թե իրական: Բայց եթե այն ընդունենք  
որպես իրական չափ՝ կարող ենք ասել, որ քաղային տարածքը  
5,760,000 քառ/կմ է, որը կազմում է Ավստրալիայի տարածքի 75 տո-  
կոսը: Սուրբ քաղաքի բարձրությունը 2400 կիլոմետր է կամ Էվերես-  
տի բարձրությունից 270 անգամ ավել: Սա մեզ որոշակի պատկերա-  
ցում է տալիս սուրբ քաղաքի հսկայական չափերի մասին:

## Անցյա՞լ, թե՞ ապագա

«Յանկանալով ցանկացա այս զատիկը ձեզ հետ ուտել Իմ չարչարվելուց առաջ: Բայց ասում եմ ձեզ, թե այլևս չեմ ուտելու սրանից, մինչև որ այն կատարվի Աստծո բագավորության մեջ» (Ղուկ. 22:15-16):

Որքա՞ն տարօրինակ էր սա հնչել տասներկուսի ականջին, երբ նստած էին Տեր Հիսուսի հետ Զատկի ընթրիքին: Նրանք գիտեին, որ Զատիկը շատ տարիներ առաջ հրեա ժողովուրդի Եղիպտոսի լծից և ստրկությունից հրաշալի կերպով ազատվելու հիշատակումն էր: Մովսեսը պատվիրել էր երբեք շմոռանալ այդ հզոր ազատագրումը: Ամեն տարի Զատկի ընթրիքն այն ժամանակն էր, երբ ծերերն ու երիտասարդները միասին հիշում էին, թե ինչպես Աստված իրենց դուրս բերեց Եղիպտոսից, որպեսզի տանի Ավետյաց երկիր, որը խոստացել էր տալ Աքրահամն և նրա սերնդին:

Սակայն Տեր Հիսուսն այստեղ Զատիկը ներկայացնում է որպես թե ապագայում կատարվելիք իրադարձություն և ոչ թե անցյալում կատարված դեպք: Նրանք հավանաբար մտածում էին. «Ինչպե՞ս կատարել այս Զատիկը: Ի՞նչ է սա նշանակում: Արդյո՞ք ևս մեկ ազատագրում է լինելու ապագայում»:

Նրանք դեռևս չեն կարողանում հասկանալ, որ Տեր Հիսուսի մահը շատ ավելի հրաշալի, ավելի տևական և շատ ավելի փառավոր գործողություն է կատարելու, քան այն, ինչ նրանք հիշատակում էին Զատկի ժամանակ: Ավելի ուշ Պողոսը գրեց. «Քանզի Քրիստոսը՝ մեր Զատիկը մեզ համար զոհվեց» (Ա Կորնթ. 5:7), և շուտով նրանք տեսնելու էին Հիսուսի մահը, որը ժողովրդին ազատելու էր մեղքից ու աշխարհից ու տաներ դեպի Աստված: Այս մեծ ու հավիտենական ազատագրումը կատարվեց Զատկին:

Զատկի ընթրիքին, որը հաճախ կոչում ենք Տիրոց Սեղան, Տեր Հիսուսը բաշխեց հացն ու գինին: Երբ հիշելու լինենք Նրան, կիշենք Նրան, ով մահացավ՝ մեզ աշխարհից ազատագրելու, մեզ հոգով «բարի երկիր» բերելու և իր հետ հաղորդակցության մեջ դնելու հա-

մար: Կիշենք, որ Նա մահացավ մեր մեղքերի համար: Առանց Քրիստոսի զոհարերության, փրկությունը չէր կատարվի, բայց իրականության մեջ Զատկի զոհը մեղքի պատարագ չէր: Այս եզակի զոհարերություն էր, որը բաժնեց Խրայելին Եգիպտոսից և հնարավոր դարձրեց նրանց վերադարձը այն երկիր, որտեղ Աստված խոստացել էր բնակվել նրանց մեջ:

Երբ Նրա սեղանի շուրջը մեկ հաց կիսենք, կիշենք, որ Տեր Հիսուսը մահացավ մեզ համար, որպեսզի հաղորդ լինենք Իր կյանքին (Հովի. 12:24): Երբ բաժակից խմենք, կիշենք Նրան, ում արյունը կնքեց հավիտենական ուխտ՝ խոստանալով միշտ լինել մեզ հետ և մի օր հավաքել մեզ Իր մոտ հավիտյանս հավիտենից:

Զատկի ժամանակ իրեաները հիշում էին Եգիպտոսից ելքը: Տիրոց սեղանի շուրջը մենք հիշում ենք աշխարհից մեր ելքը, որն իրականացավ մեր Տեր Հիսուսի մահվամբ ու հարությամբ:

Նեյլ Բուրման



## Հոր (2)

**Վ**ախորդ հոդվածում խորհրդածեցինք Հորի ուղղամտության և սատանայի հարձակումների մասին:

### Հորի մխիթարիչները

Հորի ընկերներից ոմանք լսեցին նրան պատահած շարիքի մասին և ճանապարհ ընկան՝ նրան մխիթարելու համար: Թերևս ոմանք մտածեն, թե սատանան հատուկ ընտրեց Հորի մխիթարողներին, որպեսզի նրա կյանքը ավելի դժբախտացնի: Նման միտքը ենթադրություն է, բայց գուցե և հավանական: Սենք գիտենք, որ սատանան ձեռք չտվեց Հորի կնոջը: Արդյո՞ք նա հաշվի առավ, որ կինը չուներ Հորի հավատքի ուժը, և հետևաբար, կարող էր նրան օգտագործել,

որ դրդի Հոբին անիծել Աստծուն: Մենք չգիտենք, սակայն կարող ենք վստահ լինել, որ սատանան կանի այն ամենը, ինչ կարող է իրեն տրված սահմաններում, և կօգտագործի ամեն հնարավորություն մեր խնդիրները մեծացնելու և, եթե հնարավոր է, մեզ մեղքի մեջ գցելու համար:

Լսելով Հորի ծանր պատուհասի մասին՝ նրա ընկերները, հավանաբար, քարի մտադրությամբ ձեռնամուխ եղան նրան մխիթարելու: Բայց նրանք այնքան անօգնական և անկարեկից էին, որ մխիթառողի անուն ձեռք բերելու փոխարեն հուսահատեցնողի անուն ձեռք բերեցին, որ մինչև օրս նման մարդկանց այդպես ենք անվանում՝ ասելով՝ Հորի ընկերների պես ես խոսում: Բայց ինչո՞ւ էին նրանք այդքան անօգնական:

Հորի գործում կարդում ենք նրանց համոզմունքների և Հորի հասցեին հնչեցրած մեղադրանքների մասին, որոնք երեք փուլով ներկայացվում են մեզ: Յուրաքանչյուր ելույթում Հորի հասցեին հնչած մեղադրանքներն ավելի լուրջ ու սաստիկ էին: Մխիթարողներից յուրաքանչյուր լիովին համոզված էր, որ Հորն այնքան լուրջ մեղք էր գործել, որ Աստված նրան դատապարտել էր: Եղիփազը, ով առաջինը խոսեց, սկզբից զգուշությամբ շարադրեց իր աստվածաբնությունը, քայց այն համոզվածությամբ, որ եթե ինչ-որ մեկը Հորի պես տառապում է, ուրեմն հաստատ վատ քան է արել: Նա կարծում էր, որ անմեղ մարդիկ տառապանքի չեն հանդիպում:

Բաղդատն իր փաստարկներն ավելի առաջ տարավ: Նա պնդեց, որ Հորի զավակները մեղք են գործել, և Աստված նրանց պատժել է իրենց մեղքերի համար: Քանի որ Աստված չի մերժում անարատ մարդուն, Հորը պետք է մաքրվի և Աստծո առջև ուղիղ լինի, որպեսզի Աստված ընդունի նրան: Սովորն ավելի անբարյացկամ էր: Նա մտածում էր, թե Հորը պետք է ավելի շատ տառապի՝ պնդելով, որ Աստված նույնիսկ մոռացել է Հորի գործած որոշ մեղքերը:

Ելույթների երկրորդ փուլում երեք այցելուներն ավելի ծայրահեռ դարձան: Եղիփազը ոչ միայն ենթադրեց, որ Հորը նման կերպով պատրժվելու համար հավանաբար լուրջ մեղք է գործել, այլև նկարագրեց այն մարդու ճակատագիրը, ով իր բռունքքը քափահարում է

Ամենակարողի դեմ: Նման մարդը պիտի կորցնի իր ամբողջ հարստությունը և ավերակներում քնակվի: Բաղդատը պատկերավոր նկառագրեց անաստվածի ճակատագիրը՝ համոզված լինելով, որ ամբարիշտների ճրագը հանգչելու է ու սերունդ չեն ունենալու, նրանց անունը աշխարհից անհետանալու է ու այլևս չհիշվի: Սովորը կրկնեց իր համոզմունքն առ այն, որ ամբարիշտներին աղետայի ճակատագիր է սպասում:

Ելույթների երրորդ փուլին մասնակցեցին միայն Եղիփազն ու Բաղդատը: Նրանք Հորին մեղադրեցին այնպիսի բաներում, որոնք նա երբեք չեր արել: Նրան մեղադրում էին մարդկանց հարստահարելու, այրիներին դատարկաձեռն ճանապարհելու և այլ բաներու մեջ: Աստված սատանային արդեն ասել էր, որ Հորի պես կատարյալ մեկը չկա ամբողջ աշխարհում, նա արդար, աստվածավախ և չարությունից խուսափող մարդ է:

Հորի ընկերներից յուրաքանչյուրը սրտի խորքում ուներ այն համոզմունքը, որ Աստծո առաջ հաճելի դառնալու համար մարդը պետք է վարքի որոշակի չափանիշի հասնի: Հավանաբար արդարացի կիհնի ասել, որ Հորի ընկերներն այս կյանքից այն կողմ չին մտածում: Նրանք մտածում էին, որ մարդն իր կատարած բարի գործերով կարող է արդարանալ: Սակայն մեկ այլ լուրջ մոլորություն էլ ունեին: Նրանք Հորին խորհուրդ տվեցին անարատ կյանքով ապրել, որպեսզի Աստված օրինի իրեն: Բայց սա ճիշտ այն մեղադրանքն էր, որ սատանան նկարագրեց՝ ասելով, թե Հորն Աստծուն է ծառայում այն օրինությունների համար, որոնցով Աստված օրինել է նրան: Միշտ չէ, որ Աստծո ծառաները բարեկեցիկ կյանք են ունենում, քանի որ Աստծուն են ծառայում: Եթե այդպես լիներ, ապա շատ մարդիկ սխալ պատճառով կսկսեին ծառայել Աստծուն:

## Եղիուս

Հորի միսիթարողները չկարողացան համոզել նրան, որ այս ամենն իր մեղքի պատճառով է, և վերջապես դադարեցին ապացուցել իրենց տեսանկյունը: Հենց այս փուլում ներս մտավ Եղիուսը: Երիտասարդական հանդճությամբ լի երիտասարդը պնդում էր, թե զիտի խնդիրը: Այնուամենայնիվ, նրա որոշ ենթադրությունները սխալ էին, հե-

տևաբար մյուս ընկերների պես անհեթեքություն էր խոսում: Նա հայտնեց այն միտքը, որ Աստված ցավով է պատժում մարդուն: Բայց մենք զիտենք, որ Հոքը չէր պատժվել իր գործած սխալների համար:

Եղիուսն ուշադրություն հրավիրեց այն փաստի վրա, որ Հոքը համար դիմաց դժվարությունների համար մեղադրում էր Աստծուն: Հոքը խոսում էր Աստծո ճանապարհների մասին, երբ իրականության մեջ զիտեր, թե Աստված ինչ էր անում: Սակայն Եղիուսը մյուսներից ավելի բան չզիտեր: Նա ոչինչ չզիտեր Աստծո և սատանայի միջև եղած մրցակցության և այն ծայրահեղ ճնշման մասին, որին բախվել էր Հոքը:

Բացի այն, որ Եղիուսը ծանոթ չէր բոլոր փաստերին, նա նույնքան մեղավոր էր, որքան մյուսները՝ մեղադրելով Հոքին այնպիսի խոսքերում, որոնք նա չէր ասել: Հոքը երբեք չասաց, որ ինքը մաքուր է ու առանց հանցանքի: Ամբողջ ընթացքում նա միայն պնդում էր, որ ինքը մեղք չի գործել, որով նման ծանր պատիժ է հրավիրել իր գլխին:

Եղիուսի և Հոքի միխթարողների միջև տարբերություններ կային: Նա մյուսների պես չասաց, որ եթե Հոքը ապաշխարի, ապա Աստված հարստությամբ կօրինի նրան: Եղիուսն Աստծո զորության մասին խոսեց. «Ահա Աստված բարձրացած է Իր զորությամբ. ո՞վ կարող է Նրա պես սովորեցնել» (Հոք 36:22):

Արդյո՞ք կարող ենք պատկերացնել Հոքի փորձառած դժվարությունները: Քիչ են այն մարդիկ, որոնք երբեւ բախվել են սատանայի հակառակությանը, ինչպես Հոքը: Նման պահերին Աստծո համեմա մեր վստահությունը ծանր քննության է ենթարկվում: Ի՞նչ կարող ենք անել: Մենք պետք է Աստծուն նայենք, Նրա աջակցող շնորհը խնդրենք և հանգստանանք այն վստահության մեջ, որ մենք ոչ մի այլ փորձության չենք ենթարկվել, բացի դրանից, ինչ հատուկ է մարդուն. բայց Աստված հավատարիմ է և չի բողնի ձեզ, որ ձեր կարողությունից ավել փորձվեք, այլ փորձության հետ կտա նաև ազատվելու միջոց, որ կարողանաք այն կրել (Ա Կորնթ. 10:13):

Դռն Սթորմը  
(Շարունակելի)

## Բարձրյալի ծածկոցի տակ

**Մ**ողոմոն իմաստունը շատ իմաստալից խոսք ունի Ժողովողի գրքում: «Ամեն բան իր ժամանակն ունի», - ասում է նա ու թվարկում կյանքի մի քանի փուլեր, ինչպիսիք են՝ ծնվելու ժամանակը և մեռնելու ժամանակը, լացելու ժամանակը և ծիծաղելու ժամանակը, փնտրելու ժամանակը և կորցնելու ժամանակը, լոելու ժամանակը և խոսելու ժամանակը, սիրելու ժամանակը և ատելու ժամանակը՝ վերջում ավելացնելով պատերազմի ժամանակը ու խաղաղության ժամանակը: Կարծես սա Էլ, մյուսների պես, ակնկալվող երևույթ է կյանքի ընթացքում:

«Պատերազմ» բառն անգամ վախագրու է և սարսափագրու, սակայն ճշմարիտ է, որ աշխարհի սկզբից ազգերն իրար դեմ են դրս եղել, թագավորները՝ թագավորների դեմ ու բռնակալները, այլ երկրներ ուտնահարելով, իրենց սահմանները ընդլայնել են:

Հակոբոս առաքյալը, այս թեման շոշափելով, հարց է տալիս, թե «որտեղի՞ց են պատերազմները, և որտեղի՞ց են կոփվները...» (Հակ. 4:1-6): Նա նշում է ցանկության, նախանձի, աշխարհասիրության և ամբարտավանության չար հոգին, որ սատանայի դրդմամք աշխարհն իրար է խառնում: Այսուամենայնիվ պատերազմը բնական երևույթ ենք համարում: Աստվածաշնչում հաճախ կարդում ենք խրայելացիների մղած պատերազմների մասին: Նրանց թշնամիների հարձակումների մասին արձանագրությունները բազմաթիվ են:

Դարերի ընթացքում պատահած բյուրավոր պատերազմներ մրուել են պատմության անհամար էջերը: Դժբախտաբար պայքարի ընթացքում միլիոննավորներ են մահացել: Մայրերն անմիտքար ողբացել են իրենց սրտի հատորների կորուստը, կանայք այրիացել են ու զավակները՝ որբացել, քաղաքները քարութանդ են եղել ու երկրներ են կործանվել: Ահելի և քստմնելի տեսարանները տիսրեցնում են ու սարսափեցնում բոլորիս: Երիտասարդ զինվորներ, ինչպես նաև անմեղ քաղաքացիներ ամեն օր մահանում են: Որտեղ պատերազմ կա, այնտեղ տառապանք, ցավ, վիշտ ու սուզ կա՝ ատելությամբ և զայ-

բույրով լի: Տեր Հիսուսը համբարձումից առաջ Իր աշակերտներին զգուշացրեց. «Եվ դուք լսելու եք պատերազմներ և պատերազմների լուրեր. զգույշ եղեք, որ չտագնապեք, որովհետև այս բոլոր բաները պիտի լինեն, բայց դեռ վերջը չէ: Բայց այս բոլորը՝ ցավերի սկիզբն է» (Մատթ. 24:6, 8):

Ուստի որպես հայ քրիստոնյա հավատացյալներ՝ պետք է արքուն և զգաստ լինենք: Մենք չենք կարող պատերազմի գնացքը կանգնեցնել: Մեր բաժինն է՝ աղոթել և խնդրել Աստծուն, որ իմաստություն տա մեր քաղաքացետներին ու մեզ չարից պաշտպանի:

Պողոս առաքյալը հորդորում է մեզ. «Թող ամեն մարդ բարձր իշխանություններին հնազանդ լինի...» (Հռոմ. 13:1) և երիտասարդ Տիմոթեոսին ասում է. «Ուստի աղաչում եմ, ամեն բանից առաջ աղերսանք, աղոթք, բարեխսություն և զիհություն մատուցել բոլոր մարդկանց համար, հատկապես՝ բազավորների և բոլոր նրանց, որ իշխանության մեջ են, որպեսզի խաղաղ ու հանդարտ կյանք վարենք, աստվածապաշտությամբ և ամենալուսաւությամբ» (Ս Տիմ. 2:1-2): Սա է մեր բաժինը և փափազը, ոչ թե քննադատելը կամ այպանելը: Մեր պարտականությունը զինվորներին Տիրոջ պաշտպանությանը հանձնելն ու մեր կառավարության համար աղոթելն է:

Զորքնի անունով մի երիտասարդ կին պատմում է, որ Իրաքի պատերազմում, որպես զինվոր, փորձառարար վայելել է Ամենակարողի պաշտպանությունը:

2001 թվականի փետրվարին այս երիտասարդուհին գեղատեսիլ լեռներով շրջապատված Կոլորադո նահանգից զորակոչվեց ամերիկյան բանակ, քանի որ սրտում կոչում զգաց այդպես անելու: Լավ մարզիկ լինելով՝ նախնական քննությունները հաջողությամբ ավարտեց և ճարտարագիտական ուսում ստացավ: Երկու տարի անց հուլիսի մեկին, Զորքնին գտավ աշխարհի այն անկյունը, որի մասին բոլորովին անտեղյակ էր: Իրաքի եղանակը տաք էր և անապատային: Նա շուտով ընտելացավ շրջապատին և իր ջոկատով սկսեց հաճախ ճամբորդել՝ քննարկելու և տեղեկություն հավաքելու շրջանների մասին, որտեղ կարելի էր զորանցներ կառուցել: Այսպիսի ճամբորդությունների ընթացքում այս մանկամարդ զինվորը սկսեց մտեր-

մանալ Աստծո հետ ու խոսել Նրա հետ: Մինչ վայրագությունները սաստկանում էին, ուրիշ զինվորական ջոկատներից լուրեր էին հասնում այն մասին, որ իրենց դեմ հակառակությունը շատանում է: Մինչ Քորքնին և իր ջոկատը քաղաքից քաղաք էր ճամփորդում, նա իր Նոր Կտակարանը գրպանում էր պահում և ապահովության աղոթքը շարունակ իր շուրջերի վրա էր:

Այս ջոկատը տեղեկություն քաղելու առաքելությամբ ուղարկվեց Քաղղադի հյուսիս՝ Սամարրա: Մինչ հեռանում էին քաղաքից, իրենց առջևից զնացող հրասայլը նշան տվեց, որ շուտափույթ վերադառնան: Մինչ վերադառնում էին Սամարրա, հրաճգության բախվեցին, և բոլոր զինվորները բեռնատարներից դուրս ցատկեցին ու պատսպարվեցին: Քորքնին ավտոմեքենայի ետևու թաքնվեց ու տեսավ, որ իրաքցի զինյաներն արագընթաց սուրացող ավտոմեքենայից կրակում են իրենց ճանապարհին գտնվող ամերիկացի զինվորներին: Պատասխան կրակ արձակվեց, և իրաքցիների ավտոմեքենան, ուղղությունը կորցնելով, ընթացավ Քորքնիի ուղղությամբ: Այս մանկամարդ զինվորը պետք է շատ շտապ որոշում կայացներ: Մինչ սրտում աղոթում էր, վազեց դեպի բեռնատարի առջևի մասը և նույն վայրկյանին իրաքցու ավտոմեքենան, որի մոտ սկզբում թաքնվել էր, ուժգին հարկած ստացավ:

Ամերիկյան ջոկատը հրաման ստացավ վիրավոր իրաքցի վարորդին բեռնատարով վիխանքել հիվանդանոց: Քորքնին հեռվից լսում էր մզկիթից բարձրախոսով սփովող մահմեդական աղոթքի կանչը, իսկ ավտոմեքենայի հետևից վիրավոր իրաքցու հեծեծանքն արձագանքում էր իր հոգնած զիշում: Վերջապես ապահով հասան ամերիկյան զորանոց: Քորքնին՝ կեղտոտ և արյունոտ, իջավ բեռնատարից ու դողդողալով՝ ծունկի եկավ՝ փառք տալու Աստծուն, որ իրեն պաշտպանեց ստոյգ մահից: «Այս պատահարից հետո հավատքս զգալիորեն ավելի խոր և ավելի անձնական բնույթ ստացավ, - ասաց նա: - Ես Աստծո պաշտպանող ձեռքը զգացի, երբ անվնաս վերադարձանք մեր զորանոց»:

Դրանից հետո անդադար աղոթելը շնչելու պես բնական սովորություն դարձավ Քորքնիի համար, մինչ շարունակում էր ճառայել Իրաքում:

Վերջապես, 2004 թվականի ապրիլին նա իր ջոկատի հետ վերադարձավ հարազատ քաղաք՝ Կոլորադո Սփրինգս: Երբ ամերիկյան քայլերգը հնչեց՝ որպես բարի գալուստ, Քորթնիի աշքերից հոսեցին կուտակված արցունքները, որ ամիսներ ի վեր այրում էին իրեն: Նա մտածեց իր հայրենիքի հանդեպ ունեցած սիրո, Իրաքում ծառայող զինվորների և պատերազմում զոհված մարտիկների մասին, հուզմունքով նայեց իր ընտանիքին, որ եկել էր՝ իրեն դիմավորելու:

Այժմ այս օրիորդը փորձում է ընտելանալ քնականոն կյանքին՝ ուսումը շարունակելով և ապագայի մասին մտածելով: «Հեշտ չէ առաջ գնալ, երբ գիտես, որ դեռ կա պատերազմի դաշտ վերադառնալու, զինվորական պարտականության շրջանն ավարտելու հնարավորությունը: Իրաքում տեսածներս և լսածներս միշտ մտքիս մեջ են: Բազմաթիվ մարզերում աճեցի այս փորձառությունը: Այլևս նոյն անձը չեմ ո՞չ հոգևորապես և ո՞չ զգացական ոլորտում: Մինչ օրս մղձավաճներ եմ ունենում քնած ժամանակ: Բայց ամեն անզամ, երբ տեսանում եմ կամ լսում եմ պատահարներ Իրաքի մասին, իշշում եմ, թե Աստված ինչպես հավատարմորեն պահպանեց ինձ Իր թերերի տակ: Գիտեմ, որ ինչ էլ պատահի ապագայում, ես երբեք մենակ չեմ»:

«Բարձրյալի գաղտնի տեղում ապրող Ամենակարողի ստվերի տակ է հանգչելու: Տիրոջ մասին ասելու եմ. «Իմ ապավենն ու ամրոցն է, իմ Աստվածը, ում վրա է հույս»» (Սաղ. 91:1-2): Ամեն:

Քաղված՝ «Բարեպատուղ ձիթենին» գրքից



«Ով իմ պատվիրաններն ունի և պահում է դրանք, նա՛ է ինձ սիրողը. և նա, ով սիրում է ինձ, պիտի սիրվի իմ Հոր կողմից, և ես պիտի սիրեմ նրան և ինձ պիտի հայտնեմ նրան: Եթե մեկն ինձ սիրի, իմ խոսքերը պիտի պահի. և իմ Հայրը պիտի սիրի նրան, և մենք նրան պիտի գանք և պիտի բնակենք նրա հետ»:

Հովհ. 5:21, 23

## Համագործակցության առաքինությունը

 Եռուստատեսությամբ մի խոսնակ պատմեց, որ երկու կանայք նույն ծերանոցի վերականգնողական կենտրոնում էին բնակվում: Յուրաքանչյուրը կաթված էր ստացել և ուներ սահմանափակ կարողություններ: Հռութի աջ կողմն ամբողջությամբ վճառված էր, իսկ Մարգարիտի ձախ կողմն անշարժ էր:

Հռութի ու Մարգարիտը անցյալում կատարելագործված դաշնակահարուիիններ էին, սակայն ներկայում ընդունել էին այդ իրողությունը, որ այլևս չեն կարողանալու նվազել:

Սի օր ծերանոցի պատասխանատուն խնդրեց այս երկու կանանց, որ փորձեն կենտրոնի դաշնամուրը միասին նվազել. Հռութը ձախ ձեռքի բաժինը կատարի, Մարգարիտը՝ աջինը:

Նրանք այդպես արեցին և երաժշտությունը շատ գեղեցիկ հնչեց: Բարեկամություն մշակվեց և երկու կանանց կյանքը վերանորոգվեց և իմաստավորվեց ուրախությամբ ու գոհունակությամբ:

Որպես հավատացյալ, մենք նույնպես կանչված ենք՝ ուրիշ հավատացյալների հետ գործելու: Ամեն մարդ իր տաղանդները պետք է օգտագործի ուրիշի հետ, և հետևաբար մյուսի պարզեցներն ընդունի՝ իր տկար մասերը լրացնելու համար:

Այսպես Քրիստոսի մարմինը կզրանա և շատ ազդեցիկ կդառնա, նաև կհայրայթվեն յուրաքանչյուր անձի անհատական կարիքները: Այն, ինչ հավատացյալը չի կարող անել միայնակ, թերևս երկու կամ ավելի հավատացյալներ կարող են միասին անել:

Երբ կույրը օգնում է կադ բարեկամին, երկուսն էլ առաջ են գնում: Համագործակցությունը բարեբեր և օրինաբեր առաքինություն է: Այն մշակելով՝ փառափրում ենք Աստծոն ու քաջալերում իրաք (Հռոմ. 12:4-5):

Քաղված՝ «Ավետարեր ձիթենին» գրքից

## «Խաղաղություն եմ թողնում ձեզ, իմ խաղաղությունն եմ տալիս ձեզ...»

**(Հովհ. 14:27)**

 արցե՞ր, անպատճախան բազո՞ւմ հարցեր...

2023 թվականի ավարտին փակեցինք իայ ժողովրդի պատմության՝ կյանքի ու մահվան պայքարի, կովի ու կորուստների ամենածանր էջը: 2022 թվականի դեկտեմբերին աղքարեցանական «Էկոնակտիվիստ» կոչված հանցագործները փակեցին Արցախը մայր Հայաստանին կապող միակ ճանապարհը: Ամիսներ շարունակ արցախարնակ մեր հայրենակիցները պայքարեցին, որ բացվի Բերձորի (Լաշինի) միջանցքը: Դա հացի խնդիր չէր: Այդ պայքարն ինքնորոշման իրավունքի, արցախցու՝ իր վաղնջական հայրենիքում ապրելու և Արցախի հողը հայկական պահելու պայքար էր: Մեծերս ու երեխաները տևական ժամանակ ապրեցին հումանիտար աղետի պայմաններում: Ցավոք, ավելի քան ինը ամսի շրջափակված Արցախի կյանքի ճանապարհը բացվեց եթնիկ գոտման ու զառի համար: Սկսվեց հերթական պատերազմը: Շատ ծանր և դաժան օրեր ապրեց Արցախի ժողովուրդը: 2020 թվականին Հայաստանում ավաստանած ավելի քան 20,000 արցախցիների կյանքի ուղին կիսեցին բոնի տեղահանված 120,000 մեր հայրենակիցները: Նրանցից շատերը դարձան կրկնակի կամ եռակի փախստական:

Հակառակորդի սանձազերծած հերթական արհավիրքը, դրան հաջորդած բենզինի պահեստի պայյրյունը մեզնից խլեցին հայրութափոր կյանքեր, գերեվարվեցին տարբեր ժամանակների Արցախի Հանրապետության ռազմաքաղաքական դեկավարության գործող և նախկին ներկայացուցիչներ:

Յավակցություն ու զորակցություն ենք հայտնում բոլոր նահատակների ընտանիքներին, կիսում անհայտ կորած ու գերեվարված հայորդների հարազատների վիշտն ու տառապանքը, շուտափույթ ապաքինում մաղթում միրավորում ստացած մեր բոլոր հայրենակիցներին:

Արցախը մնաց առանց հայի: Ժամանակավոր:

Լռություն, անհույս սպասումներ, կոտրված սրտեր, անորոշություն...

Շատերն առանց որևէ ապրանքի, հագուստի մտան Հայաստան: Ի՞նչ անել, ո՞ր գնալ, որտե՞ղ է ապահով, ինչպե՞ս ոտքի կանգնել, ինչպե՞ս շարունակել ապրել, բնակվել, աշխատանք գտնել...

Դիմեցին բոլոր հնարավոր կառույցներին՝ պետական հաստատություններին, բարեգործական իիմնադրամներին, կազմակերպություններին, բոլոր նրանց, ովքեր գոնե մի քիչ կրեթևացնեին ուղեկցող ցավը:

«Արմինյան Ջրիշըն Սիշըն» հիմնադրամը հնարավորության սահմաններում նույնական օգնության ձեռք մեկնեց իրեն դիմող հայրենակիցների՝ առաջնային խնդիրները հոգալու համար: Հիմնադրամը 2023 թ.-ի նոյեմբեր և դեկտեմբեր ամիսներին կազմակերպեց վեց հանդիպում Երևան և Գյումրի քաղաքներում: Իրագործվեցին հոգեբանական և քրիստոնեական քաջալերանքի ծրագրեր, որոնց մասնակցեց արձանագրված թվով 373 արցախահայ, ներառյալ ընտանիքի մյուս անդամները:

Նվիրվեցին սնունդի փարեթներ, առաջին անհրաժեշտության հիգիենայի պարագաներ, մանկական տաք հագուստ, դպրոցական պայուսակներ՝ համալրված գրենական պարագաներով, և գործված ծածկոցներ: Ցանկացողները որպես նվեր ստացան նաև Աստվածաշունչ և քրիստոնեական գրականություն:

Այս դժվարին ժամանակաշրջանում պետք է դառնանք առավել միասնական, համախմբված ու վճռական: Հայկական պահենք մեր ժառանգությունը: Հույսով ու հավատով բացենք 2024 թվականի առաջին էջը՝ որպես ոտքի կանգնելու, ապրելու, հարատելու, հաղթանակի ու ձեռքբերումների նոր էջ:

Աղորենք, որ մեր հայրենակիցները մխիթարվեն, կարողանան հավատալ, կատարել Տիրոջը կյանքում ու ապագայի ծրագրերում և գտնեն իրական, ճշմարիտ խաղաղություն Աստծո մեջ:

Անժելա Հարությունյան